# БОҒОТ ТУМАНЛАРАРО ИҚТИСОДИЙ СУДИНИНГ АЖРИМИ

(даъво аризасини кўрмасдан қолдириш тўғрисида)

## Боғот туман

2024 йил 6 сентябрь

Боғот туманлараро иқтисодий судининг судьяси Э.Розумбетов раислигида, судья ёрдамчиси У.Зарипов котиблигида, Тупроққальа туман фермер, деҳқон ҳўжаликлари ва томорқа ер эгалари кенгаши даъвогар "ISMOILJON IBRAGIMOV" фермер ҳўжалиги манфаатида жавобгар "TUPROQQAL`A TEXTIL" масъулияти чекланган жамияти ҳисобидан 747 633 141 сўм асосий қарз ва 149 526 628 сўм пеня, жами 897 159 756 сўм ундириш тўғрисидаги даъво аризасини, тарафлардан: даъвогар раҳбари М.Ибрагимов (шахсий маълумотнома асосида) иштирокида ўз биносида очиқ суд мажлисида кўриб чиқиб, қуйидагиларни

### аниқлади:

Тупроққальа туман фермер, деҳқон хўжаликлари ва томорқа ер эгалари кенгаши даъвогар "ISMOILJON IBRAGIMOV" фермер хўжалиги (бундан буён матнда даъвогар деб юритилади) манфаатида Боғот туманлараро иқтисодий судига даъво ариза билан мурожаат қилиб, жавобгар "TUPROQQAL`A TEXTIL" масъулияти чекланган жамияти ҳисобидан 747 633 141 сўм асосий қарз ва 149 526 628 сўм пеня, жами 897 159 756 сўм ундиришни сўраган.

Суд мажлисида иштирок этган даъвогар вакили даъво талабини қувватлаб, уни тўлиқ қаноатлантиришни сўради.

Суд мажлисининг вақти ва жойи тўғрисидаги тегишли тарзда хабардор қилинган Тупроққальа туман фермер, деҳқон хўжаликлари ва томорқа ер эгалари кенгаши ва жавобгар суд мажлисида вакили иштирокини таъминламади ҳамда даъво талаблари юзасидан ўз фикр-мулоҳазаларини билдирмади.

Ўзбекистон Республикаси Иқтисодий процессуал кодекси (бундан буён матнда ИПК деб юритилади) 128-моддасига кўра, агар суд иқтисодий суд ишларини юритиш иштирокчиси ўзига юборилган ажримнинг кўчирма нусхасини олганлиги ёки ушбу Кодексда назарда тутилган бошқа усулда хабардор қилинганлиги тўғрисида суд мажлиси бошлангунига қадар маълумотларга эга бўлса, ушбу иштирокчи тегишли тарзда хабардор қилинган деб ҳисобланади.

ИПК 170-моддасининг учинчи қисмига кўра иш муҳокамасининг вақти ва жойи тўғрисида тегишли тарзда хабардор қилинган жавобгар, учинчи шахслар суд мажлисига келмаса, низо уларнинг йўқлигида ҳал қилиниши мумкин.

Шунга кўра суд, ишни жавобгар иштирокисиз кўриб чиқиш мумкин деган хулосага келди.

Суд даъвогар вакилининг тушунтиришини эшитиб, иш ҳужжатларини ўрганиб чиқиб, қуйидагиларга асосан даъво аризасини кўрмасдан қолдиришни ва суд харажатларини даъвогар зиммасига юклашни лозим топади.

Аниқланишича, Боғот туманлараро иқтисодий судининг 4-2203-2301/2563-сонли иқтисодий иши бўйича 2024 йил 18 январдаги ҳал қилув қарорига асосан жавобгар "TUPROQQAL`A TEXTIL" масъулияти чекланган жамияти банкрот деб эътироф этилган ва тугатишга доир иш юритиш бошланган ҳамда унга тугатиш бошқарувчиси этиб 1-тоифали суд бошқарувчиси ДЖуманиёзов Умидбек Рўзмаматович тайинланган.

**Узбекистон** Республикасининг "Тўловга қобилиятсизлик тўғрисида"ги Қонунининг 12-моддасининг биринчи қисмига асосан тўловга қобилиятсизлик тартиб-таомиллари қўлланилаётганда барча манфаатларини кредиторларнинг кредиторлар йиғилиши кредиторлар қўмитаси химоя қилади. Суд қарздорга нисбатан тўловга қобилиятсизлик тўғрисида иш қўзғатиш ҳақидаги аризани иш юритишга қабул қилиб олган кундан эътиборан кредиторлар қарздорга ўз талабларини тартибда қаноатлантириш якка мақсадида мурожаат қилишга ҳақли эмас.

Ўзбекистон Республикаси Иқтисодий процессуал кодексининг 107-моддаси 9-бандига кўра, жавобгарга нисбатан банкротлик тўғрисида иш қўзғатилган бўлса ва жавобгарга нисбатан тақдим этилган талаб қонунга кўра банкротлик тўғрисидаги иш доирасида кўрилиши лозим бўлса, суд даъво аризасини кўрмасдан қолдиради.

Қайд этилганларга кўра суд даъво аризасини кўрмасдан қолдиришни лозим деб топади.

ИПК 118-моддасининг биринчи қисмига асосан суд харажатлари ишда иштирок этувчи шахсларнинг қаноатлантирилган даъво талаблари миқдорига мутаносиб равишда уларнинг зиммасига юклатилиши белгиланган.

Ўзбекистон Республикаси "Давлат божи тўғрисида" ги Қонуни 9-моддаси биринчи қисмининг 18-бандига асосан, Ўзбекистон фермер, деҳқон хўжаликлари ва томорқа ер эгалари кенгаши, Қорақалпоғистон Республикаси, вилоятлар ва туманлар фермер, деҳқон хўжаликлари ва томорқа ер эгалари кенгашлари — фермер, деҳқон хўжаликлари ва томорқа ер эгаларининг манфаатларини кўзлаб қилинган даъволар юзасидан иқтисодий судларда давлат божини тўлашдан озод қилинган.

Қайд этилганларга кўра суд даъво аризасини кўрмасдан қолдиришни, давлат божи ундирмасликни ва даъво тақдим этишда тўланган 34 000 сўм почта ҳаражатини даъвогар зиммасида қолдиришни лозим топади.

Юқоридагиларга асосан ҳамда ИПКнинг 107, 195, 196-моддаларини қўллаб, суд

## ажрим қилди:

Тупроққальа туман фермер, деҳқон хўжаликлари ва томорқа ер эгалари Кенгашининг "ISMOILJON IBRAGIMOV" фермер хўжалиги манфаатида жавобгар "TUPROQQAL`A TEXTIL" масъулияти чекланган жамияти ҳисобидан 747 633 141 сўм асосий қарз ва 149 526 628 сўм пеня, жами 897 159 756 сўм ундириш тўғрисидаги даъво аризаси кўрмасдан қолдирилсин.

Давлат божи ундирилмасдан қолдирилсин.

Даъво тақдим этишда тўланган 34 000 сўм почта харажати даъвогар Тупроққальа туман фермер, деҳқон хўжаликлари ва томорқа ер эгалари Кенгаши зиммасида қолдирилсин.

Ажрим нусхаси тарафларга юборилсин.

Мазкур ажрим устидан бир ойлик муддат ичида апелляция шикояти берилиши (протест келтирилиши) мумкин.

Раислик қилувчи, судья

Э.Розумбетов

# СУД МАЖЛИСИ БАЁННОМАСИ

### Боғот туман

### 2024 йил 6 сентябрь

Боғот туманлараро иқтисодий судининг судьяси Э.Розумбетов раислигида, судья ёрдамчиси У.Зарипов котиблигида, Тупроққальа туман фермер, дехқон хўжаликлари томорка эгалари ва еp кенгаши даъвогар "ISMOILJON IBRAGIMOV" фермер хўжалиги манфаатида жавобгар "TUPROQQAL`A TEXTIL" масъулияти чекланган жамияти хисобидан 747 633 141 сўм асосий қарз ва 149 526 628 сўм пеня, жами 897 159 756 сўм ундириш тўғрисидаги даъво тарафлардан: даъвогар рахбари М.Ибрагимов маълумотнома асосида) иштирокида ўз биносида очик суд мажлисида кўриб чиқмоқда.

Раислик қилувчи суд мажлисини очди ва қандай иш кўрилишини эълон қилди.

Котиб суд мажлисига таклиф қилинган тарафларнинг келган ёки келмаганлиги тўғрисида раислик қилувчига ахборот берди.

Суд мажлисининг вақти ва жойи тўғрисида тегишли тарзда хабардор қилинган жавобгардан суд мажлисида вакил иштирок этмади ва низо юзасидан муносабат билдирмади. Мазкур ҳолатда суд Ўзбекистон Республикаси Иқтисодий процессуал кодексининг (матнда ИПК деб юритилади) 170-моддасига асосан ишни жавобгар иштирокисиз қўришни лозим топади.

Суд мажлисини ўзбек тилида олиб борилишига келишиб олинди.

Раислик қилувчи суд таркиби ва суд мажлиси котибини эълон қилди ҳамда уларга нисбатан раддиялар ҳамда иқтисодий иш юзасидан илтимосномалар бор-йўқлигини сўради.

Раддия ва илтимосномалар бўлмади.

Раислик қилувчи ишда иштирок этаётган тараф вакилига ИПК 42-моддасида белгиланган хуқуқ ва мажбуриятларини тушунтирди.

Раислик қилувчи тараф вакилининг тушунтиришларини тинглашга киришди:

Суд мажлисида иштирок этган даъвогар вакили даъво талабларини қувватлаб, даъвони тўлиқ қаноатлантиришни сўради.

Раислик қилувчи тараф вакилидан қушимча ариза ва илтимосномалар борйуқлигини суради.

Бошқа ариза ва илтимосномалар бўлмади.

Раислик қилувчи тараф вакилининг тушунтиришини тинглаб, музокарага ўтди.

Даъвогар вакили: даъвони тўлиқ қаноатлантиришни сўрайман.

Раислик қилувчи алохида хонада қолди.

Раислик қилувчи алоҳида хонадан чиқиб, ажримнинг хулоса қисмини эълон қилиб, қисқача бундай ажримга келиш асосларини тушунтириб берди ва ажрим устидан шикоят бериш тартибини, беш кунлик муддат ичида суд мажлиси баённомаси ва асослантирилган ажрим билан танишиш ҳуқуқини тушунтирди.

Раислик қилувчи суд мажлисини ёпиқ деб эълон қилди.

Баённома ИПКнинг 201-202-моддалари талаблари асосида тузилди.

Раислик қилувчи, суды



Э.Розумбетов

Котиб

У.Зарипов